

Gundersen Health System

Cov Ntsiab Lus Txog Ntawm Txoj Cai Tswjfw m Cov Nyiajtxiag Pab Kev Kho Mob

Gundersen Health System (Gundersen) mas tsis yog ib qho chaw khiav haujlwm uas xav khwv kom tau nyiaj ntau tshaj los ntxiv, tiamsis yog ib qho chaw pab kho thiab saib xyuas neeg mob kom tau txais kev kho mob zoo, pab qhia ntawv, tshawb kawm txog tej kev kho mob, thiab hloov kho kom muaj tej kev pab kho mob kom zoo ntxiv rau cov neeg nws ua haujlwm rau ntawm nws lub zejzog. Peb yuav yog ib qho chaw ua haujlwm xyuas txog kev noj qab haus huv kom zoo, kom muaj npe zoo hnov thoob tebchaws tias yog ib qho chaw pab tsim kom muaj kev kho mob zoo thiab muaj kev pab rau cov neeg mob thiab lawv tej zejzog kom zoo. Peb yuav rau siab ua haujlwm kho txog tej kev mob im-mawv-ntsees-xis thiab txog tej kev kho mob uas tsim nyog yuav tsum tau kho rau peb cov neeg mob txawm lawv muaj peevxwm them tau tej nqi los tsis tau.

Rau cov neeg mob, thiab tus neeg mob tus neeg lav ris cov nqi, uas tsis muaj nyiaj txaus them tej nqi, Gundersen kuj muaj txoj kev pab cuam ua ntaubntawv tuaj thov nyiaj pab them tej nqi kho mob.

Li Cas Thiaj Tau Txais Kev Pab

Cov neeg mob nyob rau hauv Gundersen uas tsevneeg khwv tau nyiaj tsawg tshaj li plaub-mpaug ntawm tseemfwv tebchaws tus nqi lawv phua tseg tias yog neeg txom nyem thiab muaj khoom nyiajtxiag raug nqi nyiaj tsis ntau tshaj tus cai phua tseg, ces lawv yeej muaj cuab kav tau txais Gundersen qhov nyiaj pab rau kev kho mob. Yog muaj lus dab tsi xav paub ntxiv txog tus nqi phua tseg tias yog neeg txom nyem, ces thov mus xyuas nyob rau hauv the Assistant Secretary for Planning and Evaluations of the US Department of Health and Human Services website at <http://hhs.gov>.

Hom Kev Pab

Tsevneeg cov nyiaj khwv tau los thiab tej khoom nyiajtxiag uas muaj nqi ntawm ntiag tug yog cov yuav muab coj los xyuas ua qhov txiav txiv saib puas kam muaj nyiaj kho mob pab. Kev kho mob pub dawb kuj muaj pab rau cov neeg mob uas tsis muaj khoom nyiajtxiag dab tsi ntawm ntiag tug ntau thiab yog nws tsevneeg khwv tau nyiaj sib npaug lossis tsawg tshaj li ob npaug ntawm tseemfwv tus nqi phua tseg tias yog neeg txom nyem. Nws kuj muaj kev txo nqi kho mob pab rau cov neeg mob uas tsis muaj khoom nyiajtxiag dab tsi ntawm ntiag tug uas muaj nqi thiab yog nws tsevneeg khwv tau nyiaj tau li thajtsam ob mus rau plaub npaug tshaj ntawm tseemfwv tus nqi phua tseg tias yog neeg txom nyem. Cov neeg mob uas tsis tau txais kev pab raws li tau phua tseg nyob rau txoj cai no, mas yog lawv muaj nqi kho mob kim heev, mas tejzaum lawv kuj tau txais qhov kev pab cuam rau kev pab kho mob nyhav (catastrophic care assistance).

Cov Nqi Tsuab Rau Cov Neeg Mob Uas Tau Txais Nyiajtxiag Kho Mob Pab

Cov neeg mob uas tau txais nyiajtxiag kjo mob pab, thiab tsis muaj ees-xus-lees kho mob, tejzaum lawv kuj tau txais kev pab kom them tus nqi txo rau tej kev kho mob im-mawv-ntsees-xis thiab rau tej kev kho mob uas tsim nyog yuav kho uas Gundersen xa tuaj kom them uas yog qhov ntau sib npaug zos li tus nqi uas tsuab rau cov neeg muaj ntaubntawv kho mob them, xws li tej neeg muaj Medicare thiab/lossis cov muaj ntaubntawv them kev kho mob ntiagtug lwm qhov.

Muaj Lus Dab Tsi Xav Paub Ntxiv

Tej lus qhia txog Gundersen txoj cai tswjfwfwm nyiajtxiag pab rau nqi kho mob no muaj pub rau neeg, yog xav tau hu rau (608) 775-8660 lossis (800) 362-9567, tus leb txuas. 58660 lossis nkag mus nug hauv Gundersen cov chaw. Tsab ntawv ua tuaj thov Gundersen qhov nyiajtxiag pab kho mob mas muaj nyob rau hauv qhov website ntawm www.gundersenhealth.org/FAA. Cov ntaubntawv hais txog txoj cai tswjfwfwm nyiajtxiag pab them nqi kho mob thiab tsab ntawv ua tuaj thov nyiaj pab kev kho mob kuj muaj tsab raug txhais ua ntau yam lus, xws li Hmoob, Xas-pas-niv, Phaus-liv, thiab Xaum-mas-las, thiab tsis tag li cov uas txhais tau no kuj muaj nyob rau ntawm peb qhov website lossis nkag mus nug hauv Gundersen cov chaw.

Yuav xav thov nyiaj pab, mas tus neeg mob yuav tsum ua tsab ntawv thov nyiaj es muab xa tuaj. Yog xav tau txoj cai tswjfwfwm nyiajtxiag pab rau nqi kho mob lossis yog xav tau tsab ntawv ua tuaj thov nyiaj pab, uas yog tsab twb raug txhais ua lwm hom lus, lossis yog koj xav tau kev pab txog ntawm kam ua tsab ntawv thov nyiaj, mas koj hu rau:

Gundersen Health System
1910 South Avenue
Customer Financial Services, Mail Stop: NCA3-01
La Crosse, WI 54601
(608) 775-8660 or (800) 362-9567, ext. 58660